



Toophphiyan Malaataa Doonaa

Luxissiyo Maxaafa
Koyro Kifiliya

Diizayinari:

- ◆ Siisaayi Taagassa Buusooro



Toophphiya Pederalee Demokkirasse Iripabilikke Kawotettan Luxxetta Moccona

Kessuwaa	Sintta
Geluwaa	iii
Shemppuwa Isstta	
Eretettiyooga	1
Shemppuwa Naa”a	
Bollaa kifileta	3
Shemppuwa Heezza	
Kassa	5
Shempuwa Oydda	
So Asaa	7
Shemppuwa Ichchashsha	
Qumma nne ushsha	9
Shemppuwa Usuppuna	
Hachchi Gallassay Aybee?	11
Shemppuwa LaaPpunna	
Biradhdhe pitaaleta	13
Shemppuwa Hospuna	
Ta dawutaraa	15
Shemppuwa Udduppuna	
Ta Dossiyo Miittaa ayfiya	17
Shemppuwa Tamma	
Ta Korojuwa	19
Shemppuwa Tammanne Isstta	
Meddoossatta shaakkiyogaa	21
Shemppuwa Tammanne Naa”a	
Hagee aybba getteti?	23
Shemppuwa Tammanne Heezza	
Hiilla nne Hillanchchaa	25
ShemPPuwaa Tammanne oydda	
Taani dossiyobay	27
Shemppuwa Tammanne Ichchashshaa	
Luxxetta keettaa Peeshshaa	29

Geluwaa

Ha luxissanchchay kaalliyoo maxafay giggiidooge koyro kifiliya toophphiya malaata doona luxissiyo maxaafa kafannayo halchchetidi xaafettiis. Ba garssan oosuwan pe'iyaa qofatta, tekkinnekkettanne qaara ogeta toophphiya malaata doonaa tamarisanassinne bassuwa wottanawu dumma dumma era ogetta bari garssan oyqqiddaganne luxanchchatikka bantta luxettaa lo"o ayfiyakko gattanawu suure go"aa immes getteti amannettees. Gujuwanikka luxissiyo ogeti luxanchchatussi tumu lo"onne luxiyonne luxxiisiiyo gaytotettaa medhdhanawunne doona dichchanawu lo"o bassuwa medhdhess. Heggaa gishshawu luxissanchchati malaata doonaa maxaafa siissa metoy deiyo luxanchchata luxissiyo wode issi issi koshshiyabata malaati bessiddi luxiyonne luxissiyo bussay lo"o hanotan poletannadan go"ees.

Ha maxaafa garssan tamma nne ichchashshu shemppotti de'ossoona. Issi issi shempottu luxetta doommanappe kassetiddi poliyo oosoti de'ooona, hegekka qassi yeettaa giddishshin issi shemppuwa lexettassi geluwadan maddossoona. Haraa bagaara qassi issi issi shempottussi de'iyaa luxetta halchchoy qoncciyann uttiddaga giddishin luxxiisiiyaagekka ha halchchota akeekki xelliddi luxissiyo luxettay halchchuwaraa issippe mayetidda bussan ayfiyakko gakkanadan go'ees. Gujuwanikka ubba shempottun de'iyaa makkissota luxissanchchay barchchetennan erannadan keehi lefa hanotan ha maxaafay gigiis. Hegekka qassi luxissanchchay luxissanawu halchchiyo wode keehi go'ees.

Wurssettan luxissanchchay issi shemppuwa luxissi wursii simmiyo wode nne luxissiddi de'iyoo wode luxanchchati woqqu kkenna eriddakko shakki xelliyo ogiyakka ha maxaafay bari garssan oyqqi uttiss. Hagee qassi luxanchchatu era yesuwaa xelliddi bessiya zaari barssuwa immanawu loytti go'ees. Xaaxxi waxxiyo wode ha maxaafa gidдон uttidda huuphphe yohoti luxissanchchayo. Luxissiyo ogiya keehi loyttossoona getteti naggettossoona. Hega gishshawu luxissanchchaykka ha huuphphe yohota loytti akeekkiddi luxanchchatu maxaafaraa issippe gatti xellidi ba luxissiyo oge lo"o gidannadan bappe nagetiyaaba ubba polannadan maaddees.

Haasayissuwaa

Ubba shempottu garssan oosuwan pe'idda qallattu birshshettay misiliyan luxanchchatu maxaafa wurssetta sintta bollan uttiis. Hayanna luxissiyaageto, luxanchchati koshshadan go'etannadan maaddite. Hayanna luxissiyaageeto luxissiyo wode malaata doonaa malaattata bessanawu kushshiyaa gomppabagga, kushshiya qattiyo hanota, utettaa, qaxxiyo hanota, hegadankka bolla qatta, som'uwan likke qonccissiiyo buussaa, garssa hulluqquwa go'etiyo wodiya nne sohuwa suure go'etiyooga. Issi issi shempottu doomettaa geluwawu maaddannadan giigidda yeettati de'ossoona hegeetikka luxanchchatussi qoncce gididiya ogiyan malaata doonaa go'etididi yeexiyooogan luxanchchata siissiiyooga. Luxanchchatikka yeettassi wudaa immidi kaalliiyooga loytti xelliyooga.

Hayyana luxisanchchanto malaata doonaa luxissiyo wode luxiyo nne luxissiyo busa gidдон poletiya ay qommo oosota, qofa immiyonne ekkiyo hanotassi biradhdhe pital-eta go'etitte.

Hayyana luxisanchchato malaata doonaa go'etiyo wode kushshiya gomppa bagga, kushshiya qattiyo hanota, hegadankka bollaa qattaa, som'uwan malaata qonccissiyo busa, garssa huluquuwa kessi go'etiyo wodiya nne sohuwa luxanchchati suure kaalli poliyooга woykko zaari bessiyooга woykko aggiyooга loytti kaalliyooга. Hayyana luxissiyaageto, luxissanawu kifile gidдо gelannappe kasetiddi issi issi luxissiyo huuphphe yohuwaa kafiyaа miishshata giigissi ekkiddi kifile gidдо geliyooга koshsh-ess.

Shemppuwa Isstta

Eretettiyooga

Halchchuwaa

- ◆ Naa”u malaatawu qofa qashota malaata doonan hasaayossoona.
- ◆ Luxiyaageeti issoy issuwara malaata doonaa go’etiddi sarota laammiyooga danddayossoona.
- ◆ Luxanchchati banttan suntta nne kifiliyaa malaata doonan shakkiddi yoto-soona.

Immetidda wode 9 shaho satiya

Gomppa:

- ◆ Malaata doonan sarotettiyooga
- ◆ Malaata doonan banna erissiyooqa
- ◆ Malaata doonan luxiyaagetu suntta qonccissiyooqa
- ◆ Sarotettiyoogara nne banna erissiyooqara gaytidda malaat-tatta shaakkiyooga
- ◆ Naa”u malaatawu qofa qashota

Naggettiyaa ayfiyaa:

- ◆ Luxiyaageeti malaata doonan banttana eretissosoonaa.
- ◆ Luxiyaageeti malaata doonan issoy issuwara sarotettosoonaa.
- ◆ Malaata doonaa seera naggiddi issoy issuwara sarotettosoonaa
- ◆ Naa”u malaatawu qofa qashota go’etiddi issoy issuwara bantta baa haasay-osoona
- ◆ Malaata doonara gaytotettay de’iyo oyshata zaarossoona
- ◆ Sarotara nne eretettiyoogara gaytidda malaata kushshiya gomppa ginna, kushshiya qattaa, sohuwaa nne utettaa likke hanotan poloossoona.
- ◆ Tishshatettan kumidda xellaa diichchossoona.
- ◆ Wudaa xellaa nne kayya lammetiyooga akkeekkosoonaa

Shiishsho ogiya

Oosuwa

Hayyana luxissiyaageto kaalliyaa yeettaa luxiyaagetussi geliyaa ogiyan malaata doonaa go'etiddi yeexxiyogan sissite.

Ta'ishaa Yaayaa

Ta'ishaa yaayaa (2)

Xiskkadiye (2)

Daalay shocetti'is

Denddaa (2)

Eeno denddaana (2)

Som'uwa meecettada

Luxiyo golliya baanaa

Lo'o era woomanaa!!

Luxiyaagetussi sarota malaata doonan saroti simmidi intte suntta eretissite

Luxiyaageti bantta suntta malaata doonaa go'etidi eretissannadan leemissota immite

Leemisuwaa:

Aymala aqqadi/peadi: Lo'o gal-latayass

Ta sunttay __ getettess.

Ta aawa sunttay __ getettess.

Taani koyro kifiliya luxanchcha

- ◆ Luxiyaageti ha qommora qonccidda leemissuwa kaallidi banttana eretissannadan meeziyite.
- ◆ Naa'u malaatawa qofa qashota go'etidi oyshata zaaranadan luxiyaageta meeziyite.
- ◆ Kayya naggidi qofa laammettiyooga erannadan meeziyite.
- ◆ Malaatatuyo wudaa immiyoo nne haasayiyo hiilla diichchanawu waatan woykko ciitan meezetanadan kaafite.

- ◆ Misile qonccissuwa, qatta nne zaari barsso kassaa hiilla go'etiyoogan luxiyaageti zaareti zaareti polanadan meeziyiyoga.
- ◆ Seeraa naggidi issoy issuwara sarotetanadan meeziyite.

Haasayissuwa

Hayyana luxissiyaageto malaata doonaa luxissiyoo wode poletiyaa oosotssi nne qofa lammiyassi malaata doonanne biradhdhe pitaaleta go'etitte.

Kaafe miishshata

- ◆ Oosotanne qattaa bessiya misiliya qonccissota

Yiggi xelluwa

- ◆ Bantta suntta nne banttaa aawa suntta malaata doonan qonccisidoga kaalliyoga.
- ◆ Ha'i de'iya kifiliya xeeikka malaata doonan qonccissiyoga danddayidoga kaalli xeelliyoga.
- ◆ Luxiyaageti immitida leemissuwa maaran banttana kumettaa hanotan malaata doonaa go'etidi eretissidoga loytti kaalliyoga.
- ◆ Eretettiyoogara gayttidagan immetiya oyshatussi likke zaaruwa malaata doonaa go'etidi immiyoga danddayidoga akeekki xeelliyoga.
- ◆ Sarota qalaatta/misile qonccissuwara mayetiyyaa malaatatta dabboyiyoga danddayidoga kaalli xeelliyoga.

Shemppuwa Naa'a

Bollaa kifileta

Halchchuwa

- ◆ Bollaa kifileta bochchiyogan bessosoonaa.
- ◆ Bollaa kifileti malaata doonaa go'etosoonaa.
- ◆ Naa'u malaatawa qofa qashota/kiitatta medhdhosoonaa

Immetidda wode: 8 shaho satiya

Gomppa:

- ◆ Bollaa kifileta malaata doonaa go'etidi suntta xeegiddi bessiyoooga.
- ◆ Bollaa kifiletu malaatatta
- ◆ Gunddula/ leemissuwa malaatta, besa/naa'u malaatawa qofa qashota
- ◆ Oyshanne zaaruwa bessiya som'uwa qonccissuwa

Naggetiya ayfiyaa:

- ◆ Bollaa kifileta dummayidi qonccissosoonaa
- ◆ Bollaa kifiletu suntta malaata doonan xeggosoonaa
- ◆ Bollaa kifileta kushshiyaa bonchchidi bessosoonaa
- ◆ Bollaa kifiletu suntta misiletura dabboyoysoonaa
- ◆ Naa'u malaatawa qofa qashota medhdhosoonaa
- ◆ Oysha nne zaaruwa qonchissiyoo som'uwa bessuwa nabbabosoonaa.

Shiishsho ogiya

Hayyana luxissiyaageto kaalliyaa yeetta luxiyaagetuyo geliyaa hanotana malaata doonaa go'etidi yeexiyogan siisite.

Aaye Biradhdhiya

Aaye biradhdhiyawu (2) aawan de'ay?
Hagan de'ays (2) Aymala de'eeti?
Malaata biradhdhiyawu (2) Awan de'ay?

Hagan de'ays (2) Aymala de'eeti?
Wogga biradhdhiyawu (2) Awan
de'ay
Hegan de'ays (2) Aymala de'eeti?
Miggiddo biradhdhiyawu (2) Awan
de'ay?
Haggan de'ays (2) Aymala de'eeti?
Gil'a biradhdhiyawu (2) Awan
de'ay?
Hagan de'ays (2) Aymala de'eeti?
Ta biradhdhetoo (2) Awan de'eeti?
Hagan deettes (2) Aymala de'eeti?

- ◆ Bollaa kifiletu malaatatta erissite
- ◆ Bollaa kifileta biradhdhiyan bonch-
chidi suntta xessiyogan erissiyoga
- ◆ Oyshata oychchiyoganinne zaariyoo-
gan qonccissiyoga
- ◆ Naa"u malaatawa qofa qashota
meezetanadan oottiyoga

Leemisuwa:

Kushshiyaa bessiite, ayfiya malaatitte,
siiriya bochchitte, tohuuwa bessite.

- ◆ Bolla kifiletu misiliya diramma ooti-
yogan ka'iddi bessiyooga
- ◆ Luxanchchati issoy oychchishininne
haray zaarshin meezetanadan ootti-
yooga
- ◆ Xeellaa nabbabuwa hiilla diich-
chanadan meezeyiyoga

Hasaayisuwaa

*Hayyana luxissiyaageto malaata
doonaa luxissiyo wodiyan luxiyonne
luxissiyo bussan ay qommo oosuwa
poluwanne qofa laammiyassi malaa-
ta doonaanne biradhdhe pitaaleta
go'etitte.*

Bolla kifileta bessiyaabaata

- ◆ Misileta nne phoototta

Yiggi xeelluwa

- ◆ Bollaa kifiletu suntta misiletura dab-
boyiyoga danddiyoga kaalli xelliyoo-
ga
- ◆ Bollaa kifiletu suntta dummayiddi
eriddoga akeekkiyooga
- ◆ Bollaa kifiletu suntta likke xeeffi-
yooga nne malaatidoga akeekkiyooga
- ◆ Malaatiya malaatatta go'etiyoogan
malaata doonan hasaayidoga kaalli
xeelliyoga
- ◆ Bollaa kifileta bochchiyoogan misili-
yara dabboyidoga kaalli xeelliyoga
- ◆ Bolla kifiletu malaata, misileta nne
suntta issippe waxxiyoga danddayo-
idoga kaalli xeelliyoga
- ◆ Naa"u malaatawa qofa qashota
medhdhiyooga danddayoga loytti
kaalliyoga

Shemppuwa Heezza

Kassaa

Halchchuwaa

- ◆ Shemppo wodiyan ka'iyoo kassaa qommotun tobbossoona
- ◆ Kassatu sunnta malaata doonan hasaayossoona
- ◆ Danddayas woykko danddayikki giyoogan bassetidda qofa qashota medhdhiyoga

Immetidda wodiya 8 shaho satiya

Gomppa:

- ◆ Shemppo wodiyan naati ka'iyoo kassaa
- ◆ Kassaa malaatatta
- ◆ Danddays woykko danddayikke giyoogan bassetidda qofa qashota
- ◆ Danddays woykko danddayikke giyoogara biya som"uwaa qonccissuwa nne bollaa qattaa

Naggetiya ayfiya:

- ◆ Shemppo wodiyan ka'etiya kassatu sunntay malaata doonan xeggetess
- ◆ Danddayas/danddayikki giyoogan bassetidda qofa qashota medhdhiyoga danddayossoona
- ◆ Danddays/danddayikke giyoogara mayettiyyaa som"uwaa qonccissuwa nne bollaa qattaa akeekkossoona.
- ◆ Xeellan mayetiyo hiilla diichchossoona.

Shiishshiyoo Ogiya

Oosuwa

He Bonniyaa

He bonniyaa hombbiyan
Dembaa kiyyiddi ka'ishshin

Wanni doggeti he wode natettay
Luxiddo nu luxxetta keettay
Ciishshay nne maattaa bonccoo
ubbay
Ubbaykka shiicciddi
Ka'iddo kassay wannidi dogeti
He wode natettay naa'antto bet-

teenna

Qossetta kassay

Natettaa baxxee

Ubbatto hasayettees wannidi dogeti

Al'iddabba qoppikko mulekka

ufayssees.

- ◆ Luxiyaageti eriyo kassaa qommota malaata doonan hasaayanadan oottiyooga
- ◆ Kassaa qommota nne eta suntta malaata doonan erissiyooqa
- ◆ Kassaa qommota dummayiddi qonccissiyooqa
- ◆ Luxanchchati buzu, waattaninne ciitan giddidi eriyo kassatu qommuwa malaata doonan hasaayanadan oottiyooga
- ◆ Xeellaa nabbabuwa hiilla diichchanadan meezeyiyoga
- ◆ Danddayas/danddanyikke giyo maran qofa qashota ootissiyoga
- ◆ Danddayas/danddanyikke giyo busan som"uwan qonccissiyoganne bolla qattaa meezetanadan oottiyooga

Haasayissuwaa

Hayyana luxissiyaageto malaata doonaa luxissiyo wodiyan qalaa qonccissuwassi nne qofa laammiyassi malaata doonanne biradhdhiya pital-eta go'etitte.

Kaafiya miishsha

Kassatta nne Ooso polottaa bessiyaa misliya qonccissota

Yiggi xeelluwaa

- ◆ Shemppo wodiyan ka'iyo kassatu qommotu suntta eriddoga kaalliyooqa
- ◆ Buzu, wattaninne ciitan ka'iyo kassatu qommuwa hasaayiyoga danddadiyooqa akeekkiyooqa
- ◆ Danddayas/danddanyikke giyogara biyya som"uwan qonccissuwa nne bolla qattaa maliddoga xeelliyooqa
- ◆ Danddayiyo nne danddayenne kassaa qommota dummayidi eriddoga tillissiyooqa

Shemppuwa Oydda

So Asa

Halchchuwaa:

- ◆ Dabbuwa qonccissiya malaatatta shaakkossoona
- ◆ So asata malaata doonan bessossoona
- ◆ Naa”u malaatawa oyshata medhdhiyoogan oychchossoona
- ◆ Wudaa immiddi xeelliyo tishsha xeellaa diichchossoona

Immetidda wodiya 6 shaho satiya

Gomppaa:

- ◆ Dabbotetta qonccissiyi malaatatu bollan tobbossoona
- ◆ Dabbotetta qonccissiyi malaatatta
- ◆ Naa”u malaatawu oyshata
- ◆ So asa wogga

Naggetiyaa ayfiyaa:

- ◆ So asatu suntta malaata doonan xeggossona
- ◆ So asa qonccissiya qalaata malaata doonan bessossoona
- ◆ So asatu sunttanne matuma malaata doonan qonccissiyoga danddayossoona
- ◆ So asa dabbotetta gaytatettaa shaakkiyooga danddayossoona
- ◆ So asa wogganne Mayetta akeekkossoona
- ◆ So asa qonccissiya qalaa malaatara dabboyossoona
- ◆ Misileta malaata doonara issippe gattossoona
- ◆ Naa”u malaatawa oyshata medhdhossoona
- ◆ Lo”o ayfe de’iyo xeello nabbabo hiillanchchaa giddossoona
- ◆ So asa bessiya qalaata biradhdhiyan qonccissossoona

Shiishsho Ogiya

Oosuwa

Hayyana luxissiyaageto kaalliya yeettaa luxiyaagetussi malaata doonaa go'etidi keehi geliya hanotan yeexxiyogan sissite.

Goshshanne Goshshanchcha
 Goshshanne Goshshanchcha
 Anne xellite goshshanchcha
 goshshaa bollan
 Goshshanchchawu machchiya
 de'awusu
 Anne xeellite goshshanchchawu
 machchiya de'awusu
 Maccasessi na'aay de'ees
 Anne xeellite maccasessi na'aay
 de'ees
 Na'aassi miichchiya de'awusu
 Na'aayo aaway de'ees
 Anne xeellite na'aayo aaway
 de'ees
 Aawayo ishshay de'ees
 Anne xeellite aawayo ishshay
 de'ees

- ◆ So asa, dabbotta nne dabbotetta malaatiya malaatattaa erissiyoga
- ◆ Misile qonccissuwan shiiqqidda bol-laa kifileta nabbabanadan oottiyoga
- ◆ Misileta sunttatura dabboyanadan meezeyiyoga
- ◆ Dabbotatta qonccissiya malaatatta zaareti zaareti nabbabanadan oottiyoga
- ◆ So asa likke misiletura dabboyiyo meeziya polannadan hanotatta enjeyiyoga
- ◆ So asa wokkaliya malaatatta nabbabanadan maaddiyoga
- ◆ Dabbotetta qonccissiya qaalatta nne

dabbotta qonccissiya malaata dab-boyiddi qonccissuwa immiyoga

- ◆ Naa”u malaatawa oysha polanadan oottiyoga

Hasaayisuwaa

Hayyana luxissiyaageto malaata doonaa wodiyan luxissiyoo nne luxiyoo bussan go'etiyo qalaata nne qofa lam-miya malaata doonaninne biradhdhe pitaleta go'etite

Kaafiya miishsha

- ◆ So asa bessiya misile qonccissuwa

Yiggi xeelluwaa

- ◆ So asa nne dabbottu suntta misiletura dabboyiyoga danddayidoga kaalli xommossiyoga
- ◆ Dabbotta qonccissiya malaata shaakki eriddoga kaalliyoga
- ◆ Dabbotta malaatiya qalaata likke xeggidoganne malaatidoga kaalliyoo-ga nne hasaayidoga kaalli xommossiyoga
- ◆ Misile qonccissuwan kaafetidda kii-tatta nabbabiyoga danddayidoga xeelliyoga
- ◆ Misileta sunttatura dabboyiyoga danddayidoga kaalliyoga
- ◆ Naa”au malaatawu oyshata medhdhidoga kaalliyoga

Shemppuwa Ichchashsha

Kattaa nne ushshaa

Halachchuwa

- ◆ Kattaa qommotu suntta malaata doonan bessosoonaa
- ◆ Ushshaa malaata doonaa suntta qonccissosoonaa
- ◆ Kattaa qommotu suntta malaata doonan xeggossoonaa
- ◆ Ushshaa qommotu suntta malaata doonan xeggossoonaa

Immetidda wode 12 shaho satiya

Gomppaa :

- ◆ Kattaa malaata doonaa suntta
- ◆ Ushsha malaata doonaa suntta
- ◆ Dumma dumma kattanne ushsha malaata doonaa xessaa
- ◆ Ay maaddi/ Ay uyaddi oyshsha nne zaaruwa
- ◆ Ufayssa qonccissuwa

Naggetiya ayfiyaa:

- ◆ Kattaa suntta malaata doonan xeggossoonaa
- ◆ Kattaa suntta nne ushsha suntta shakkosoonaa
- ◆ Ushshaa qommota malaata doonan bessosoonaa
- ◆ Ushshaa suntta kattaa sunttappe shakkosoonaa
- ◆ Kattaa nne ushsha suntta misiliyara dabboyite
- ◆ Oyshata zaarosoonaa
- ◆ Kattaa nne ushsha misile qonccissuwa malaata doonan bessosoonaa
- ◆ Ay maddi/ Ay uyaddi giyoogan malaatawa oyshata oychoosoonaa
- ◆ Ufayssa qonccissuwa seera naggaddi go'etossoonaa

Shiishsho ogiya

Oosuwa

Hayyana luxissiyaageto kaalliya yeettaa malaata doonaa go'etiddi luxiyaagetusi qoncce gididiya ogiyan yeexxiyogan siissite.

Kattaa miyyoga

Kattaa miyyoge payatettawu (2)

Anne urzziya oottos

Anne isstta na'aa heezza yaggos

Kattaa miyyoge payatettawu (2)

Dabbuwa buddenane phuuphphiliya go'ettos

Anne urzziya oottoss

Anne isstaa na'aa heezza yaggoss

Kattaa miyyoge payatettawa (2)

Ashshuwaa oyttaa

Anne isstta na'aa heezza yaggos

Kattaa miyyoge payatettawu (2)

Anne urzziya oottos

Anne issta na'aa heezza yaggoss

- ◆ Misiliya bessiddi malaata doonan kattaa nne ushshaa qommotu suntta erissosoonaa
- ◆ Luxiyaageeti kattaa nne ushshaa suntta xeegganadan oottiyoooga
- ◆ Luxiyaageeti Ay middakko nne uyiddakko kayyaa naggiddi haasayanadan qaxxadda immiyoooga.
- ◆ Naa'u malaatawa oyshshata ay middakko nne uyiddakko oychchiyogan issoy issuwara tobbanadan oottiyoga
- ◆ Kattaa nne ushshaa suntta misiletura dabboyanadan oottiyoooga
- ◆ Buzo nne ciitan giddid kattaanne ushshaa qommotu bollan tobbiyo hanota injjeyiyoga
- ◆ Kattaa nne ushshaa qommota bessiya misiliya zaara malaatara dabboyanadan meezeyiyoga

- ◆ Oyshshata oottissiya

Hassayissuwa

Hayanna luxissiyageto malaata doonaa wodiyan poletiyaa ay qommo oosoya nne qofa lammiya malaata doonaninne biradhdhe pitaliya go'etiyooga koshshes.

Yeggi xelluwaa

- ◆ Kattaa nne ushshaa misile qonccissuwan bessiyoga danddayidoga tillissiyoga
- ◆ Misileti attiyo kiita malaata doonan qonccissiyoga danddayidoga kaalli xelliyoga
- ◆ Misileta xelliddi misiliya xelliyagan gujjo naqashsha immiyoga danddayiyoga kaalliyoga
- ◆ Misiliya misiliyara nne malaata doonara issippe waatta medhdhiyoga danddayidoga kaalliyoga

Shemppuwa Usuppuna

Hachchi Gallassay Aybee?

Halachchuwaa

- ◆ Sammintta gidдон de'iya gallassati malaata doonan qonccisossana
- ◆ Sammintta gidдон de'iya gallassatu suntta bollan malaata doonan tobbossona
- ◆ Sammintta gidдон de'iya gallasata malaata doonan bessosoonaa nne dummayossoona
- ◆ Gallassata payddotura dabboyiyoga nne malaata doonan qofa qashuwa medhdhosoonaa

Immetidda wodiya 8 shaho satiya

Gomppaa:

- ◆ Sammintta gallassata
- ◆ Sammintta gallasatu suntta malaata doonan
- ◆ Gallassata payddotura dabboyiyoga
- ◆ Gallassata payddotura issippego'etiyoga
- ◆ Ooso gallasatunne shemppo gallasatu dummatetta

Naggetiya ayfiya:

- ◆ Sammintta gidдон de'iya gallassati malaata doonan xeggettossoona
- ◆ Sammintta gallassati nne malaata sunttata payddotura dabboyiyoga
- ◆ Gaytotettay de'iyoo wodiya qonccissiya malaatati birshshetiddi boxxxossoona
- ◆ Gallassata payddotura waatta medhdhiyoogan qonccess
- ◆ Ooso gallassata shaakkossoona
- ◆ Oosonne shemppo gallasatu shaakkossona
- ◆ Dummatettay ahuwan qonccess
- ◆ Sambbatta shakkosoonaa
- ◆ saynno gallassa kaalliyaa gallassa suntta malaata doonan qonccissosoonaa
- ◆ Sagga gallassappe kassetiya gallassa mallaata doonan qonccissosoonaa
- ◆ Saga nne wollilla gallasatu gidдон de'iya gallassa suntta malaata doonan qonccissossona
- ◆ Sammintta gidдон de'iya gallasatu suntta kassiya kalluwaa naagiddi xeggosoonaa

Shiishsho ogiya

Oosuwa

Hayyana luxissiyaageto kaalliyaa yeettaa yeexxiyo wode luxiyaagetussi qoncce hanotan yeexxiyogaa siissite.

Hachchi Gallassay Aybee?
Hachchi gallassay aybee? (2)
Hachchi gallassay wogaa
Wogaa gallassay shemppo gallassa
Hachchi gallassay aybee? (2)
Hachchi gallassay / saynno
Luxettay doommiyo gallassa
Hachchi gallassay aybee? (2)
Hachchi gallassay / arbbaa

Aarbbaa gallassay luxetta wurssetta gallassa

- ◆ He de'iyoo gallassa suntta malaata doonan eritissiyogaa
- ◆ Sammintta gallassatu suntta malaata bessiyogaa meezeyite
- ◆ Luxiyaageta ciitan ciitan shaakkiddi issi issi ciitakko biyogaa gallassata oyqqiddi he gallassatun eti ay ay poliyaakko malaata doonan qonccisanadan oottiyogaa
- ◆ Luxiyaageti waattan woykko ciitan giddid sammintta gallassatu gidдон eti ay ay poliyaakko malaata doonan hassayanadan injjiya medhdhiyogaa
- ◆ Wodiya bessiya malaatattussi aho qonccisso immiyogaa
- ◆ Sammintta gidдон de'iyaa gallassatu suntta kassiya kalluwa naggiddi ciimma nabbabuwa polanadan oottiyogaa

Hasaayissuwaa

Hayyana luxissiyaageto malaata doonaa wodiyaan poletiya oosata nne qofa/laammiya malaata doonani nne biradhdhe pitaliyaan go'etiyoga koshsh-ess

Kaafiyaa miishshata

- ◆ Sammintta gidдон de'iyaa gallassatu kassiya kalluwa malaataninne eta sunttan giigissiyogaa
- ◆ Gallassa qooddiyo miishsha karddiyaan giigissiyogaa

Yiggi xeelluwaa

- ◆ Sammintta galassatu suntta malaata doonan xeggidooga kaalliyogaa
- ◆ Sammintta gallassa malaata suntta payddotura dabboyiddoga tillissiyogaa
- ◆ Wodiya malaatiya qalaata malaata doonan qonccissidoga akekki xelliyogaa
- ◆ Ooso gallassata nne shemppo gallasata shaakkidoga loytti kaalliyogaa
- ◆ Sammintta garssan de'iyaa gallasatu suntta kassiya kalluwa naggiddi xeggiyogaa danddayidogaa tillissiyogaa

Shemppuwa Laapunna

Biradhdhe Pitaaleta

Halachchuwa

- ◆ Laatine pitaaleta biradhdhe pitaaliyan nabbabossoona
- ◆ Biradhdhe pitaaleetun qalaata medhdhossoona
- ◆ Luxiyaageti bantta suntta biradhdhe pitaaleetun xeggosoonaa
- ◆ Luxiyaageti bantta laggetu suntta biradhdhe pitaaleetun xeggosoonaa

Immetidda wodiya 16 shaho satiya

Gomppaa:

- ◆ Wolayttatto malaata doonaa biradhdhe pitaaleta
- ◆ Biradhdhe pitaaleta (A-Z)
- ◆ Taaga, aagga/iigga, suntta biradhdhe ----- pitaaliyan

Naggetiyaa ayfiya:

- ◆ Biradhdhe pitaaleta medhdhanawu maaddiya biradhdheta meeziyiyo ogiya akeekkossoona
- ◆ A-Z gakkanawu de'iya pitaaleta biradhdhiyan medhdhossoona
- ◆ Biradhdhe pitaaletu qommuwa shaakkosoonaa
- ◆ Luxiyageti bantta sunttan bantta laggetu suntta biradhdhe pitaaliyan eretis-sosoonaa s
- ◆ Biradhdhe pitaaleta laatine pitaaletura dabboyosoonaa
- ◆ Pitaaleetuppe dummatiyaageta shaakkosoonaa
- ◆ Biradhdhe pitaaletu qommuwa issuwaa haraappe shaakkosoonaa

Shiishsho ogiya

Oosuwa

Hayyana luxissiyaageto kaalliya yeettaa malaata doonaa go'etidi luxiyaagetussi qoncce hanotan yeexxiyogan siissite.

Naato anne tamaross

Naato anne tamaross pilgetta polanawu

Era essannayo minniddi tamaross

A	B	C	D	E
F	G	H	I	J
K	L	M	N	O
P	Q	R	S	T
U	V	W	X	Y
Z				

- ◆ Luxiyaageti bantta kushshiya xoqqu oottiddi kushshiya gomppaa bessanadan yootidi kayyan kayyan biradhdhe pitaaleta eretissitte
- ◆ Biradhdhe pitaaletussi nne eta qom-motussi aho qonccissuwa immitte
- ◆ Luxiyaageti bantta sunnta, laggetu sunnta, luxissiyaagetu sunnta nne so asa sunnta biradhdhe pitaaleton xeg-ganadan ootitte

Leemisuuwa

Ta sunntay _____ getetess, Ne sunntay woykko eta sunntay A sunntay woykko I sunntay _____ iyogan go'etitte

- ◆ Biradhdhe pitaaletu zaara, posteretta, nne modelatta go'etiddi biradhdhe pitaaleta lo'o hanotan nabbabanadan maadditte

Hasaayissuwa

Hayyana luxissiyaageto malaata doonaa wodiyan poletiya ay qommo oosota nne qofa laammiya malaata doonaninne biradhdhe pitaaleton go'etitte.

Kaafiya Miishsha

- ◆ Biradhdhe pitaaleta medhdhanawu maaddiya miishshata go'etiyooga
- ◆ Zaaran giiggidda biradhdhe pitaaleta biradhdhe pitaaletu modeliyaa

Yiggi xelluwaa

- ◆ Biradhdhe pitaaleta go'etiddi qalaata nabbabiyoga tillissiyoga
- ◆ Pitaaleta biradhdhe pitaaletura dab-boyiyoga kaalli xelliyoga
- ◆ Malaata doonassi biradhdhiya go'etiyo hanota nne kushshiya qattaa suure polannadan kaalliyiyoga

Shemppuwa Hospuna

Ta dawutaraa

Halchchuwa

- ◆ Paydduwa 1-100 malaata doonan biradhdhe payddota meezetosoonaa
- ◆ Payddota biradhdhe malaata doonan nabbabosoonaa
- ◆ Payddota biradhdhe malaata doonan qoddosoonaa
- ◆ Heezzu malaatawa qofa qashota malaata doonan medhdhossoonaa

Immetidda wodiya 13 shaho satiyaa

Gomppaa:

- ◆ Paydduwa 1-100 gakkanawu de'iyaa malaata doonaa biradhdhe payddota
- ◆ Shemppuwa 2 bolla bassetidda heezzu malaatawa qofa qashuwa
- ◆ Sunnta nne payddotta issippe go'etiyo ogiyya

Naggetiyaa Ayfiyaa:

- ◆ 1-100 gakkanawu de'iyaa payddotta biradhdhe malaata doonan payddosoonaa
- ◆ Misiliya coratetta paydduwara dabboyosoonaa
- ◆ Payddotta biradhdhe malaata doonara dabboyosoonaa
- ◆ Misiliya coratetta biradhdhiya malaata doonara dabboyosoonaa
- ◆ Baddo nne kumetta payddotta dummayosoonaa
- ◆ Wogga payddotta qeeri payddotuppe shaakkosoonaa
- ◆ Misileta biradhdhe malaata doonan qoodiddi coratetta shaakkosoonaa
- ◆ Payddotta nne sunntata go'etiddi heezzu malaatawa qofa qashuwa medhdhossoonaa
- ◆ Sunntata nne payddotta issippe go'etiyo hiilla akeekkosoonaa

Shiishsho ogiya

Oosuwa

Hayyana luxissiyaageto kaalliya yeet-
taa malaata doonaa eeshsha qonccissiya
hanotan malaata doonaa go'etiddi yeexx-
iyoga siissite

Isstta, naa”a, heezza, Oydda, ich-
chashsha

Isstta, naa”a, heezza oydda ich-
chashshaa (2)

Moliya oykkass kawuayo
usuppuna lappuna hospuna
Uduppuna tamma (22)

Wassadda yedaychchayas erennan
Ayyssi ayssi yeddadi
Ta biradhdhiya saxxiddo
gishshawu

Awugga biradhdhiya saxxidde?
Ushshachcha kushshiyaa gil”aa
biradhdhiya (2)

- ◆ Luxiyaageto intte kushshiya dan-
ddayetto kenna xoqqu oottiddi
kushshiya gomppaa bessiddi bi-
radhdhiya payddota kayyan kayyan
eretissannadan ottiyoooga
- ◆ (1-10, 11-20, 21-30, 31-40, 41-
50, 51-60, 61-70, 71-80 81-
90, 91-100) de'iya payddotta
biradhdhe malaata doonan qod-
danadan oottiyoga.
- ◆ Payddotta nne suntta issippe go'etiyo-
gan heezzu malaattawa qofa qashuwa
oottissiyoga
- ◆ Kifile gidдон de'iya macca nne attu-
ma naatu coratetta oychchiddi zaaru-
wa immanadan qadda immiyoga
- ◆ Bariya/ laytta nne so asa coratetta oy-
chchidi zaaruwa immanadan qaddaa
immiyoga

- ◆ Payddotta biradhdhe malaata doo-
nan nabbabanadaninne payddiyoga
meezeyiyoga

Hasaayissuwa

*Hayyana luxissiyaageto malaata doo-
naa wodiyan luxiyo nne luxissiyo bus-
san poletiya ay qommo oosota nne
qofa laammiya malaata doonaaninne
biradhdhe pitaliyan go'etiyoga koshsh-
ess.*

Kaafiya Miishsha

- ◆ Malaata doonaa medhdhanawu
maaddiya biradhdheta meeziyiyoga
- ◆ Zaaran, posteriyanninne modeletun
giiggidda malaata doonaa payddotu
zaara

Yiggi xeeluwaa

- ◆ Payddatta biradhdhe malaata doonan
nabbabiyoga nne payddiyoga dan-
ddayiddoga kaalli xelliyoga
- ◆ Sunttanne payddotta issipe go'etiyo-
gan heezzu malaata qofa qashuwa
tillissiyoga
- ◆ Suntta nne payddotta issippe go'eti-
yoo ogiya eriddoga akeeki xeeliyooga
- ◆ Misileta biradhdhe malaata doonan
qodiddi eta coratetta shaakkiyoga
kalliddi xeelliyoga

Shemppuwa Udduppunna

Ta Dossiyo Miittaa ayfiya

Halchchuwa

- ◆ Miittaa ayfetu sunttainne qommuwa bolla tobbossona
- ◆ Malaata doonan ayfetu suntta qonccissoona
- ◆ Naa”u malaatawu qofa qashota medhdhossoona

Immetidda wode 7 shaho satiya

Gomppaa:

Naggetiyaa Ayfiyaa:

- ◆ Miitta ayfetu suntta malaata doonan xeggossoona
- ◆ Miitta ayfetu suntta haraa kattaa sunttappe dummayossoona
- ◆ Miitta ayfetu suntta malaata doonan hasaayossoona
- ◆ Miittaa ayfiya suntta misiliyara dabboyossoona
- ◆ Miittaa ayfiya misiliya xelliddi ayfiya issuwa harappe dummayossoona
- ◆ Misiliya xeelliddi miittaa ayfiya suntta xeggossoona
- ◆ Miittaa ayfiya misiliya malaata doonan nabbabossoona
- ◆ Misatiya miittaa ayfiya misiliya harara wattaa medhdhossoona
- ◆ Miittaa ayfiya misiliya xeelliddi he misiliyaba malaata doonan qonccissuwa immossoona
- ◆ Dossuwara/ixxuwaara biyya som”uwaa qonccissuwa nne bolla qattaa akeek-kossoona

Shiishsho Ogiya

Oosuwa

Hayyana luxissiyaageto kaalliyaa yeet-
taa luxissiyaagetussi malaata doonaa
eeshshara biyya hanotan malaata doonaa
go'etiddi yeexxiyogan siissite.

Miita Ayffetta miyooga
Anne urzziya oottos
Isstta naa''a hezza yaggoss
Miittaa ayfetta miyoge bolla paya-
tettass (2)

Birtukkane muzze nne lomme
go'ettoss
Anne urzziya oottos
Isstta na''aa heezza yaggoss
Miittaa ayfetta miyooge bolla paya-
tettawu (2)

Papaya, mangoynne abbakkadoy
go'ettoss

Anne urzziya oottos
Miittaa ayfiya miyoge bollaa paya-
tettawu (2)

Woynniya nne annanassiya go'et-
toss

Anneurzziyaa oottos
Isstta, na''aa, heezza yaggoss
Mititaa ayfetta miyooge bolla
payyatettawu (2)

- ◆ Miittaa ayfiya suntta mmalaata doo-
nan xeegiddi eretissite
- ◆ Buzo waattaninne ciittan miittaa ay-
fetu sunttanne qommotta luxiyaageti
meezettanadan oottite
- ◆ Luxiyaageti eriyo miittaa ayfetu sunt-
ta xeeگانadaninne oyhchanadan
qaddaa immiyoga
- ◆ Miittaa ayfetu misiliya bessi sim-

middi malaata doonan eta suntta
xeeganandan enjje hanota medhdhi-
yooga

- ◆ Birtukkaniya dossayss woykko/
dossikke giyogan naa''u malaatawu
qofa qashuwa medhdhanadan kaafi-
yooga
- ◆ Dossuwara nne ixuwara gayttidagan
som''uwa qonccissuwa nne bollaa
qattaa go'etanadan oottiyoga

Hasaayissuw

*Hayyana luxissiyaageto malaata doo-
naa luxissiyoo wode poletiya ay qom-
mo oosotanne qofa qammiyassi ma-
laata doona nne biradhdhe pitaliya
go'etiyooqe koshshes*

Kaafe miishsha

Mittaa ayfetu qommuwa bessiya misiliya

Yiggi xelluwa

- ◆ Miittaa ayfetu malaata doonaa suntta
likke misiliyara dabboyiyoga dan-
ddayidoga kaalli xeeliyooga
- ◆ Miittaa ayfiya malaata doonan suntta
dummayiddoga tillissiyoga
- ◆ Miittaa ayfiya malaata doonaa suntta
likke xeeğiyooga danddanyiddoga
tillissiyoga
- ◆ Mittaa ayfetu qommuwa bessiya
zaara malaata doonara dabboyiddoga
kaalli xeeliyooga
- ◆ Dossuwara woykko/ ixuwara gay-
tiddagan som''uwa qonccissuwa nne
bollaa qattaa go'etiyooqa danddayoga
kaalli xeeliyoga.

Shemppuwa Tamma

Ta Korojjuwa

Halchcuwaa

- ◆ Meraa sunttaninne qommotu bollan malaata doonan tobbossoona
- ◆ Meraa qommota malaata doonan bessossoona nne dummayossoona
- ◆ Heezzu malaatawu qofa qashota medhdhossoona

Immetidda wode 6 shaho satiya

Gomppaa:

- ◆ Meraa sunttanne qommuwa
- ◆ Dumma dumma meraa malaata
- ◆ Heezzu malaatawa qofa qashuwa (korojjoy zo'o, irsasse damma meraa
- ◆ Sunttatta meraraa issippe go'etiyo ogiya

Naggetiya ayfiya:

- ◆ Meratu suntta malaata doonan birshshiddi qonccissossona
- ◆ Meratta malaata doonan dummayiyoga danddayossona
- ◆ Meratta malaata doonan medhdhossona
- ◆ Misatetiya meratta dabboyossona
- ◆ Meratta malaata doonaa sunttara dabbayossona luxiyaageti mayyiddo mayyuwa meraa qonccissi yotossoona
- ◆ Suntta meraara issippe go'etiyo ogiya erossoona
- ◆ Meratu suntta go'etiddi heezzu malaatawa qofa qashuwa medhdhossona

Shiishsho ogiya

Oosuwa

- ◆ Meratu malaata luxissiyaage erissees
- ◆ Meratu qommuwa bessiya charttiya go'etiddi meratta bessite
- ◆ Kifile gidдон bettiya dumma dumma miishshatu meraa luxiyaageeti bessanadan qadda immiyooḡa
- ◆ Kororjuwa, mayyuwa nne tohuuwa caamma meraa bessanadan oottiyoga
- ◆ Issimala meray de'iyoo miishshata luxiyaageeti bessanadan oottiyooḡa
- ◆ Luxiyaageeti waattan gididdi kayyan kayyan meraa bollaa oyshetanadan meezeyiyoga
- ◆ Luxiyaageeti bantta mayyuwabaa, so asa nne laggetu mayyuwa meraa bolla tobbiya oottanadan qadda immiyooḡa
- ◆ Luxiyaageeti oyshsha oyshchiyoganne zaaruwa immiyooḡa meezetanadan mintettiyooḡa
- ◆ Misiliyan shiiqqidda meraa suntta malaata doonan xeeḡanadan oottiyoga
- ◆ Meratu suntta go'etiddi heezzu malaatawa qofa qashuwa ootanadan qonccissiyooḡa

Hasaayissuwa

Hayyana luxissiyaageeto malaata doonaa luxissiyoo wodiyan poletiya ay qommo oosatanne qofa laammiyassi malaata doonaa go'etiyooḡa koshshess.

Kaafe miishsha

- ◆ Charttiyan shiiqqiyaa leemissota
- ◆ Meraatu qommuwa bessiya misiliya

Yiggi xeeluwa

- ◆ Misiliyan shiiqqidda meraatu qommuwa nne suntta malaata doonan qonccissidoga tillissiyoga
- ◆ Luxiyaageeti meraa xeeliyagan oysha oyshshetanadaninne zaaruwa immanadan oottiyooḡa
- ◆ Meratu qommuwa malaatara dabboyiyoga kaalli xeeliyooḡa
- ◆ Suntta go'etiddi heezzu malaatawa qofa qashuwa medhdhoga kaalli xeeliyooḡa

Shemppuwa Tammanne Isstta

Meddossatta shaakkiyogaa

Halchchuwa

- ◆ Meddossatu qommuwaninne suntta bolla malaata doonan tobbossona
- ◆ Malaata doonan meddossata qonccissossona
- ◆ So nne woraa meddossatu suntta malaata doonan bessosona
- ◆ Meddossatu go”a bollan amppiddi qofa qashuwa medhdhossona

Imettidda wode 12 shaho satiya

Gomppaa:

- ◆ Meddossatu qommuwa nne eta suntta
- ◆ So meddossatu suntta
- ◆ Woraa meddossatu suntta
- ◆ Meddossatu go”a bollan zemppidda qofa qashuwa

Naggettiya ayfiya:

- ◆ So meddassatu suntta malaata doonan shaakkiddi xeegossoona
- ◆ So meddossati issoy hararaffe dummatiyo hanota malaata doonan geddarisossona
- ◆ Meddossatu misiliya xeeli simmiddi so meddossatta nne woraa medhdhos-satta shaakkossona
- ◆ Medhdhossatu suntta likke misiliyara nne malaattara dabboyossona
- ◆ Medhdhossatu misiliya xeeli simmiddi suntaa malaata doonan haasayossona
- ◆ So meddossat nne wooraa meddossatu go”a malaata doonan qonccissuwa immossona
- ◆ Meddossatu go”a bollan zemppiddi qofa qashota malaata doonan medhdhossossona

Shiishsho Ogiya

Oosuwa

Hayyana luxissiyageto kaalliya yeetta malaata doonaa eeshsha naggidda hanotan malaata doonaa go'etiddi luxiyaagetussi yeexxiyogan siissite.

Kannay hassidde

Kannay hassidde

Meqqetta ekki biiss (2)

He meqqettaa miidde iita kayssuwa naggess (2)

Kannay hu hu (2) gi bocciiss

Garaawiya miyaawu yagawus (2)

Maattaa uyayidda

Kuttoy kukkulu (2) yaggees

Malaaddo dendiddi cenggurssa siissanawu

So meddossattaa (2)

Asawu daro go"aa immossona

Hegaa ubbay eross

- ◆ Meddossatu misiliya luxiyaagetussi besii simmiddi eta suntta nne qommuwa xeejiyogan erissite
- ◆ Xaaxxi waxxiddi meddossatu hanota malaata doonan tobbiyoga
- ◆ So meddossatta nne woraa meddossatta dummayanadan malaata doonan erissiyoooga
- ◆ Meddossatu go"aa bollan amppiddi qofa qashuwa oottanadan qadda immiyoooga
- ◆ So meddossatta nne woraa meddossatta besiiya misiliya malaatara dabboyiyoga meezeyiyoga nne oysha zaaranaddan ootiyoooga.
- ◆ Ciitan ciitan luxiyaageti dossiyo so meddossatta nne woraa meddossatta malaata doonan tobbanadan hanotan enjjeyiyoga.

- ◆ Meddossatu misiliya medhdhi simmiddi he misiliyabaa qonccissuwa immanadan ootiyoooga

Hasaayissuwa

Hayyana luxissiyageto malaata doonaa luxissiyoo wode poletiya ay qommo oosotanne qofa laammiyassi malaata doonanne biradhdhe pitaaetta go'eti-yoga koshshess.

Kaafiya miishsha

- ◆ So meddossattanne woraa meddossatta besiiya misiliyaa

Yiggi xeeluwa

- ◆ So nne woraa meddossatu malaata doonaa suntta misiliyara dabboyidoga kaalli xeeliyoga
- ◆ So meddossatata woraa meddossatuppe shaakki eriddogga tillissiyoooga
- ◆ So meddossatta nne woraa meddossatta malaata doonan likke xeejiyoga nne malaatidooga tillissiyoga
- ◆ So meddossatta nne woraa meddossatta besiiya misiliya sunttara dabboyiddoga kaalli xeeliyoooga.

Shemppuwa Tammanne Naa'a

Hagee aybba getetti?

Halchchuwa

- ◆ Luxetta miishshatu malaata suntta shaakkossona
- ◆ Luxettaa miishshatu suntta nne eta qommuwa malaata doonan meezetossona
- ◆ Naa'u malaatawa oyshata zaarossoona

Immetidda wode 7 shaho satiya

Gomppaa:

- ◆ Luxettaa kifiletu gidдон de'iya miishshatu suntta malaata doonan shaakkossona
- ◆ Luxettaa miishshatu malaata doonaa suntta
- ◆ Malaatiya malaatatta
- ◆ Naa'u malaattawa oyshata

Naggetiya ayfiya:

- ◆ Luxettaa kifiliya gidдон de'iya luxetta miishshatu malaata suntta xeggossoona
- ◆ Luxetta kifiletu gidдон de'iya luxettaa miishshatu go'aa malaata doonan birshshidi qonccissosoonaa
- ◆ Malaatiya malaatatta go'etiddi naa'u malaatawu oysha malaata doonan oychoosoonaa
- ◆ Luxetta kifiletu de'iya luxettaa miishshatu suntta like misiletura dabboyiyoga

Shiishsho Ogiya

Oosuwa

Hayyana luxissiyaageto kaalliyaa yeettaa malaata doonaa eeshsha naggidda hanotan malaata doonaa ge'etiddi yeexxiyogan luxiyaageta siissite.

Luxxetta keettaa Bossi

Luxxettaa keetta boss

Luxxettaa keetta boss

A B C D E

Luxxettaa keettaa boss

Luxxettaa keettaa boss

Era luxxanayo

1, 2, 3, 4, 5

Luxxettaa keettaa boss
Luxxettaa keettaa boss
Era luxxanayo

- ◆ Luxettaa kifiliyan de'iya miishshatu malaata suntaa xeejiyogan eretissite
- ◆ Luxiyaageti malaata doonan oyshetanadaninne zaaruwa immanadan ootiyoga
- ◆ Zaari barsso haasaya bolli luxiyaageti malaata doonan hashshetanadan ootiyoga
- ◆ Luxigeti oychchi zaaro oysha luxiyaa-getussi giigissiyogaa

Leemisawa

Hagee aybee?/hegee aybee?
Miishshatta bochchiddi misileta
malaatiyoogan bessanadan ootiyoga

Hasaayissuwa

Hayyana luxissiyaageto malaata doonaa wode poletiyaa ay qommo oosota nne qofa laammiyassi malaata doonanne biradhdhe pitaliya go'etiyoga koshshess

Kaafe miishsha

- ◆ Luxiyo kifiliya gidдон de'iya miishsha bessiya misliya

Yiggi xeeluwa

- ◆ Luxiyo kifiliya gidдон de'iya miishshatu suntta misiliyara dabboyidoga kaalli xeeliyoga
- ◆ Kifile gidдон de'iya luxetta miishshatusunta malaata doonan eriddoga tillissiyoga
- ◆ Luxiyo kifiliya gidдон bettiya luxetta miishshatu go'aa malaata doonan haasayiyoga tillissiyoga
- ◆ Kifile gidдон de'iya luxetta miishshata bessiya misiliya malaata doonaa sunttara dabboyiyoga kaalli xeeliyoga.
- ◆ Malaatiya malaatatta go'etiyogan naa'u malaatatta go'etiyogan naa'u malaatawu oysha medhdhoga kaalli xeeliyoga

Shemppuwa Tammanne Heezza

Hiilla nne Hillanchchaa

Halchchuwaa

- ◆ So asati oottidi de'iyoo ooso qommota malaata doonan tobbossoona
- ◆ Asa ooso maccaraa nne ooso man'iyaa malaata doonan qonccissoona

Immetidda wode 7 shaho satiya

Gompppaa :

- ◆ So asati oottidi de'iyoo hiillaa qommota
- ◆ Dumma dumma hiillaatu malaata
- ◆ Heezzu malaatawaa qofaa qashota

Leemisuuwa

- ◆ Ta aaway luxissanchcha, ta aaway dotoore giddenna

Naggettiya ayfiya:

- ◆ So asay oottidi de'iyoo ooso qommotu bolla malaata doonan qonccissuwa immossoona
- ◆ Ooso qommoti beettiyo man'iyaa malaata doonan malaatossona
- ◆ Ooso qommoti beettiyo man'iyaa malaata doonan malaatossona
- ◆ Asay oottana danddaniyo ooso qommota yootossona
- ◆ Heezzu malaatawuu ooso qommota xaafiddi qonccissosona

Shiishsho ogiya

Oosuwa

Hayyana luxissiyaageto kalliyaa yeettaa luxiyaagetussi malaata doonaa eeshsha naggidha hanotan malaata doonaa go'etidi yeexxiyogan siissite

Tawn de'eess halchchay

Taawu de'eess halchchoy era qaran kummanawu
Eran diiccanawu minnadda nabbanawu
Sayntisste nne dokkitere gidanawu
Pilggetta oosuwayo professerettawu
Maccadda denddachchays tumu

ayimuwa aymotodda
Ta luxisanchchappe era wom-
madda
Tawu de'ees a halchchoy era qaran
kummanawu
Eran diiccanawu minnadda nabba-
banawu
Ta biittiyo diichchanawu salo sa'a
ubbawu hiddota gidanawu
Eraninne luxxettan diichcha
asaanawu
urzziya oosuwaa hillaa qaraa lohet-
tawu
Eranayo denddas ta halchchuwa
diichchanawu
Tawu de'eess halchchoy era qaran
kummanawu
Eran diiccanawu minnadda nabba-
nawu

- ◆ Asay oottanawu danddayiya ooso qommota nne eta suntta xeegiddi erissiyogan aho qonccissuwa immiyoga
- ◆ Luxiyaageti eriyo hiillaa qommota malaata doonan oychchite
- ◆ Hiillaa qommota malaata doonan eretissiyoga
- ◆ Luxiyaagetu so asay oottiyo oso qommota oychchidi malaata doonan yootannadan oottiyooga
- ◆ Leemisuwa: Heezzu malaatawu qofaa qashota
- ◆ Ta aaway luxissiyaaga, ta aaway Dokkitere giddenna
- ◆ Xeeluwaa nabbabuwa hiillaa diichchannadan luxiyaageta kaafiyoga
- ◆ Hiilla qommuwa nne hiillanchchay oottiyo oosuwa issippe waattan malaata doonan qonccissuwa immiyoga

Leemissuwa:

Luxissanchchay luxissees
Dokkiteree akkammess
Dannay pirddess
Kammiya laggiyaage kammiya
laggess

Hasaayissuwa

Hayyana luxissiyaageto malaata doonaa luxissiyto wodiyan poletiyaa ay qommo oosotanne qofaa laammiyissi malaata doonanne biradhdhe pitaleta go'etiyoooga koshshess

Kaafe miishsha

- ◆ Hiillaa qommuwa bessiyaa misileta go'etiyoooga

Yiggi xelluwa

- ◆ Asay oottanawu danddayiyo hiillaa qommota nne eta suntta qonccissuwa luxiyaageti danddayiddoga kaalli xelliyooga
- ◆ Luxiyaageti bantta so asay oottiyo hiillaa qommuwa malaata doonan haasayan qonccissuwa immiyoooga danddayiddoga tillissiyoooga
- ◆ Heezzu malaatawa qofa qashuwa oottiyooga danddayiddoga xom-mossiyoooga

Shemppuwaa Tammanne oydda

Ta dossiyobay

Halchchuwa

- ◆ Luxiddo malaata doonaa go'etiddi luxanchchati bantta dossiyobba nne ixxiyobbata tobbossona
- ◆ Dossiyobba nne ixxiyobatubba malaata doonan biddossona
- ◆ Malaata doonaa go'etiddi garssa hulluqquwa qonccissiya malaatatta suure hanotan bessosona
- ◆ Muruuta doonaa nabbabiyageeta giddossona
- ◆ Issibba qonccissiyu zuugiya malaata doonan bessosona

Immetidda wode 8 shaho satiya

Gomppaa:

- ◆ Luxiddo luxettaa maaran luxiyaagetti bantta dossiyonne ixxiyobbata qonccissiyoga
- ◆ Hulluqquwa qonccissiya malaata (Dossiyobba woykko ixxiyobba)
- ◆ Heezzu malaatawa qofaa qashuwa
- ◆ Dossuwaraa woykko/ixxuwaraa gayttidda som'uwa qonccissuwa nne bolla qattaa

Naggettiya ayfiyaa:

- ◆ Dossiyobba nne ixxiyobbatubaa malaata doonan laallidi yootiyooqa
- ◆ Hulluqquwa qonccissiya malaata go'etiddi dossiyo huluqquwa nne ixxiyobaa huluqquwa qonccissosona
- ◆ Dossiyo huluqquwaa iita huluquwappe shaakkiyooga danddayossona
- ◆ Hulluqquwa qonccissiya malaata go'etiddi heezzu malaatawu qofaa qashuwa medhdhossona

Shiishsho Ogiya

Oosuwa

Hayyana luxissiyaagato kaalliya yeettaa malaata doonaa eeshsha naggidda hanotan yeexxiyoogan luxiyaagetta siissite

Ta so asaa dossayass
Ta dossayassi ta aawawu
Ta dossayassi ta aaye
Ta aawawu taa aaye intte tayo lo'o
Tana diichchiddetta loytti kaab-boyiddi
Ta dossayass ta ishshawu (2)
Ta dossayass ta miichche (2)
Ta aawawu ta aaye inntte tayo lo'o
Tana diichchiddetta loytti kaab-boyiddi

- ◆ Luxissiyageto hulluquwa qonccissiya malaataa bessiddi erettessite
- ◆ Dossiyobba nne ixxiyobatubba waatan woykko ciitan malaata doonan qonccissanadan qaddaa immitte
- ◆ Hulluquwa qonccissiya malaata go'etiddoga kaalliddi tillissiyoooga
- ◆ Heezzu malaatawu qofa qashuwa medhdhissiyoga
- ◆ Dossiyobba nne ixxiyobba xeeliyaa-garaa gaytiddagan som'uwa qonccissuwa nne bollaa qattaa meezetanadan kaafiyoooga

Hasaayissuwa

Hayanna luxissiyaageto malaata doonaa wodiyan poletiya ay qommo oosotanne qofaa laammiyassi malaata doonaa nne biradhdhe pitaliyaa go'etiyooge koshshess

Kaafe miishsha

- ◆ Dossuwa woykko ixxuwa qonccissiya malaata bessiya misiliya

Yiggi xeeluwa

- ◆ Dossuwa hulluquwaa qonccissiya malaata issi izzuwa hulluquwappe shaakkiyooga danddayiddoga kaalli xeeliyooga
- ◆ Hulluquwa qonccissiya malaata go'etiyooga danddayidooga tillissiyoooga
- ◆ Dossiyabba nne ixxiyobaraa gaytida som'uwa qonccissuwa nne bollaa qonccissuwa danddayidoga tillissiyoooga

Shemppuwa Tammanne Ichchashsha

Luxxetta keettaa Peeshsha

Halchchuwaa

- ◆ Luxiyaageti luxiddo malaata doonaa go'etiddi luxetta keettaa peeshsha malaata doonan tobbossona
- ◆ Luxxiyaageti luxiddo malaata doonaa zaaretossona
- ◆ Luxxetta keettaa peeshshabaa malaata doonan aho qonccissuwa immossona
- ◆ De'uwa abbiyabaa loyyti diichchossona

Immetidda wode 12 shaho satiya

Gomppaa:

- ◆ Luxxiyaageti luxiddo malaata doonaa go'etiddi nne era basso oottiddi luxetta keettaa peeshsha tollolla medhdhossona
- ◆ Luxiddo malaata zaaretiyooga
- ◆ Adhdhida wodiya qonccissiyo gunddula bolli qofaa qashota medhdhiyoga
- ◆ Luxiyaageti bantta luxetta keettaa suntta malaata doonan bessosona
- ◆ Tollolla nne kassiya kalluwaa xeeliyaa qonccissuwa

Naggetiyaa ayfiya:

- ◆ Luxiyaageti bantta luxetta keettaa malaata doonan qonccissosona
- ◆ Luxiyaageti bantta luxetta keettaa suntta malaata doonan qonccissosona
- ◆ Malaata doonaa go'etiddi luxetta peeshshaa yootossona
- ◆ Luxiddo malaattata zaaretossona
- ◆ Adhdhida wodiya qonccissiya gunddta go'etiddi qofaa qashuwa medhdhossona
- ◆ Luxxetta keettan luxiyoo luxettaa qommota malaata doonan bessosona
- ◆ Tollollanne kassiya kaalluwa qonccissuwa malaata doonan bessosona
- ◆ Kassaa kassiya kaalluwa go'etiyo ogiya malaataossona

Shiishsho Ogiya

Oosuwa

Hayyana luxissiyageto kaalliyaa yeetta malaata doonaa eeshsha naggidda hanotan malaata doonaa go’etiddi luxiyaage-tussi yeexxiyogan siissite.

Ta Dossiyo luxxettaa keette
Ta dossiyo luxxetta keette
Era illiluwappe lacciyo man’ee
Dumma siiqqoy de’ees keehippe
dossayas
Mulekka dogikke nne ayfiya puriis
Tummu diiccadda ubbappe bayra
gidaddassa
Nebbay keehi eretiddi salo sa’a
gaxxa gakkiiis
Ufayssay siiyettiis ne dumma
ayfiyan
Yeleetta diichchassi ne sintta xeera
Halachoy giddiddi holliyakka
shocciis
Diichchay xoqqu ginni lo’o ayfeka
bettiiis
Era po’uwa muqqadda po’issadd-
assa
Diiccadda ayfadda anqqara ayfiya
ayfaddassa
Ufaytiddi hashshukka yagidda
Nu luxxettaa keette aakka ayfa
mulekka maynoppaa

- ◆ Luxettaa qommota qonccissiddi
bessiya malaata xombboyiddi eretis-
siite
- ◆ Adhdhidda wodiyan luxiddo huuphe
yohotu bolli zaareto luxetta oottiyoo-
ga
- ◆ Haydda kassiya kaaluwa akeekiddi
buzo woykko/ciitan tollolla diramma
ogiyaa malaata doonan qonccissan-

adan oottiyoga nne orattabaa medh-
dhanadan kaafiyoo

- ◆ Malaata doonaa haasaya abbiya
diichchanadan luxiyaageti bantta
kushshiyaa go’etiyo ogiya meezeyi-
yoo

Hasaayisuwa

*Hayyana luxissiyageto malaata doo-
naa wodiyan poletiya ay qommo ooso-
ta nne qofa laammiyassi malaata doo-
nanne biradhdhe pitaliya go’etiyo
koshshess*

Kaafe miishsha

- ◆ Luxetta keettaa bessiya misiliya
- ◆ Luxetta keettaa peeshsha nne oosuwa
bessiya misiliya

Yiggi xeeluwa

- ◆ Luxetta keettan luxiyo luxetta qom-
motu suntta malaata doonan qonc-
cissoga tillissiyoga
- ◆ Luxetta keettaa peeshshay ay mala-
atiyakko malaata doonan qonccissu-
wa immiyoga danddayiyoga kaalli
xeeliyoga
- ◆ Luxiyo kifilietu gidдон luxiyaageti
poliyo oosota malaata doonan yootu-
waa danddayidoga tillissiyoga
- ◆ Malaata doonan haasayiyoo abbiya
diichchanadan luxiyaageti bantta
kushshiya likke hanotan go’etiyo
kaalliyoga